



2019 йил “ 17 ” июнь №ПК-4359 “ ” 20 г.

**2019/2020 ўқув йилида Ўзбекистон Республикасининг
олий таълим муассасаларига ўқишга қабул қилишнинг
давлат буюртмаси параметрлари тўғрисида**

Сўнгги йилларда иқтисодиёт тармоқлари ва соҳаларида эҳтиёж юқори бўлган бакалаврият таълим йўналишлари ва магистратура мутахассисликлари бўйича олий маълумотли кадрлар тайёрлашни таъминлаш, хорижий тажрибалар асосида олий таълимнинг ўқув режа ва дастурларини ишлаб чиқиш, таълим жараёнига янги педагогик технологиялар ва ўқитиш усулларини кенг жорий этиш бўйича комплекс чора-тадбирлар амалга оширилмоқда.

Шу билан бирга, кадрлар буюртмачиларининг жорий ва истикболдаги эҳтиёжларидан келиб чиқиб тармоқ, ҳудудий ва мақсадли инвестиция лойиҳалари портфелларини инобатга олган ҳолда битирувчиларнинг меҳнатидан самарали фойдаланиш, шунингдек олий таълим муассасаларига чет эл фуқароларини тўлов-контракт асосида ўқитиш қийматини ҳамда қўшимча қабул параметрларини мустақил белгилаш ҳуқуқини бериш зарурати юзага келмоқда.

Ёшларнинг олий таълим билан қамраб олинишини янада кенгайтириш, олий таълим муассасалари орасида соғлом рақобатни кучайтириш, давлат буюртмаси ва табақалаштирилган тўлов-контракт тизимини жорий этиш орқали олий таълим муассасаларини босқичма-босқич ўзини ўзи молиялаштириш тизимига ўтказиш мақсадида, шунингдек 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларга мувофиқ:

1. Ўзбекистон Республикаси Иқтисодиёт ва саноат вазирлиги томонидан Олий ва ўрта махсус таълим вазирлиги, Бандлик ва меҳнат муносабатлари вазирлиги, Молия вазирлиги билан биргаликда вазирлик, идора, маҳаллий давлат ҳокимияти органлари ва бошқа ташкилотлар иштирокида 2019/2020 ўқув йилида олий таълим муассасаларига ўқишга қабул қилиш ва кадрлар буюртмачиларининг олий таълим муассасалари битирувчиларига бўлган давлат буюртмаси параметрлари ишлаб чиқилганлиги маълумот учун қабул қилинсин.

2. Белгилансинки, 2019/2020 ўқув йилидан бошлаб:

а) олий таълим муассасаларига қабул:

талаб юқори бўлган иқтисодиёт тармоқлари ва соҳалари учун олий маълумотли кадрларга бўлган эҳтиёжнинг давлат буюртмаси асосида;

олий таълим муассасаларининг мавжуд қувватлари, моддий-техник базаси ҳамда профессор-ўқитувчилари таркибидан келиб чиқиб, бўйсунувига кўра вазирлик ва идоралар билан келишган ҳолда **олий таълим муассасалари томонидан мустақил равишда белгиланадиган бакалаврият таълим йўналишларига табақалаштирилган тўлов-контракт, магистратура мутахассисликларига базавий тўлов-контракт бўйича қўшимча қабул параметрлари асосида амалга оширилади;**

б) ногиронлиги бўлган шахсларга давлат буюртмаси асосида ўқишга қабул қилиш параметрларининг (кейинги ўринларда – давлат буюртмаси параметрлари) умумий сонига нисбатан қўшимча икки фоизли давлат гранти асосида ажратиладиган қабул параметрлари бўйича **олий таълим муассасаларининг кундузги, сиртқи ва кечки таълим шаклларидан бирида таълим олиш ҳуқуқи берилди;**

в) тўлов-контракт асосида таълим олаётган **барча босқич талабаларига, ўз хоҳишларига кўра тўлов-контракт қийматини стипендияли ёки стипендиясиз шаклда тўлаш ҳуқуқи берилди;**

г) давлат буюртмаси параметрлари доирасида олий таълим муассасаларининг сиртқи ва кечки таълим шаклида ўқитишнинг тўлов-контракт қиймати тегишли бакалаврият таълим йўналиши бўйича кундузги ўқитиш шакли учун белгиланган тўлов-контракт қийматидан **кўп бўлмаган миқдорда белгиланади;**

д) магистр даражасига эга бўлган юқори малакали мутахассислар қатламини кенгайтириш мақсадида магистратурага қабул қилишда абитуриентларнинг қабул бўйича белгиланган турдош бакалаврият таълим йўналишлари негизидаги магистратура мутахассисликларидан ташқари **бошқа магистратура мутахассисликлари (кейинги ўринларда – алоҳида мутахассисликлар) бўйича ҳам танловда иштирок этишига руҳсат берилди.** Бунда, алоҳида мутахассисликлар ва уларга мувофиқ бакалаврият таълим йўналишлари рўйхати Ўзбекистон Республикаси Олий ва ўрта махсус таълим вазирлиги томонидан белгиланади;

е) олий таълим муассасалари ректорларига (филиаллар директорлари) бўйсунуви бўйича вазирлик ва идоралар билан келишган ҳолда **чет эл фуқароларини тўлов-контракт асосида ўқитиш қийматини тегишли бакалаврият таълим йўналиши ва магистратура мутахассислиги бўйича Ўзбекистон Республикаси фуқаролари учун белгиланган базавий тўлов-контракт миқдоридан кам бўлмаган миқдорда белгиланган ҳуқуқи берилди.**

3. 2019/2020 ўқув йилида Ўзбекистон Республикаси олий таълим муассасаларига давлат буюртмаси асосида ўқишга қабул қилиш параметрлари:

а) бакалаврлар тайёрлаш бўйича:

кундузги таълим шаклига – 80 430 нафар этиб 1-иловага мувофиқ;

сиртқи таълим шаклига – 19 985 нафар этиб 2-иловага мувофиқ;

кечки таълим шаклига – 1 985 нафар этиб 3-иловага мувофиқ;

б) магистрлар тайёрлаш бўйича – 7 695 нафар этиб 4-иловага мувофиқ тасдиқлансин.

4. Ўзбекистон Республикаси Соғлиқни сақлаш вазирлиги, Маданият вазирлиги, Қишлоқ хўжалиги вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари буюртмаларига биноан 2019/2020 ўқув йилида соғлиқни сақлаш, маданият ва қишлоқ хўжалиги соҳаларида олий маълумотли кадрларга эҳтиёж юқори бўлган ҳудудлар учун ушбу қарорга 1-иловага мувофиқ тасдиқланган давлат буюртмаси параметрларининг давлат гранти асосидаги қабул кўрсаткичлари доирасида мақсадли қабул параметрлари 5-иловага мувофиқ тасдиқлансин.

Ўзбекистон Республикаси таълим муассасаларига ўқишга қабул қилиш бўйича Давлат комиссияси (кейинги ўринларда – Давлат комиссияси) икки ҳафта муддатда Халқ таълими вазирлиги ҳамда Олий ва ўрта махсус таълим вазирлигининг таклифлари асосида 2019/2020 ўқув йилида халқ таълими соҳасида олий маълумотли кадрларга эҳтиёж юқори бўлган ҳудудлар бўйича ушбу қарорга 1-иловага мувофиқ тасдиқланган давлат буюртмаси параметрларининг давлат гранти асосидаги қабул кўрсаткичлари доирасида мақсадли қабул параметрларини тасдиқласин.

5. Қуйидагилар:

2019/2020 ўқув йили учун Ўзбекистон Республикаси Қуролли Кучлари сафида муддатли ҳарбий хизматни ўтаб, ҳарбий қисм кўмондонлигининг тавсияномаларига эга бўлганлар учун бакалавриятнинг кундузги таълим шакли бўйича алоҳида беш фоизли қабул кўрсаткичлари 6-иловага мувофиқ;

2019/2020 ўқув йили учун Ўзбекистон Республикаси Қуролли Кучлари сафида муддатли ҳарбий хизматни ўтаб, ҳарбий қисм кўмондонлигининг тавсияномаларига эга бўлганлар учун бакалавриятнинг сиртқи таълим шакли бўйича алоҳида беш фоизли қабул кўрсаткичлари 7-иловага мувофиқ;

2019/2020 ўқув йили учун Ўзбекистон Республикаси Қуролли Кучлари сафида муддатли ҳарбий хизматни ўтаб, ҳарбий қисм кўмондонлигининг тавсияномаларига эга бўлганлар учун бакалавриятнинг кечки таълим шакли бўйича алоҳида беш фоизли қабул кўрсаткичлари 8-иловага мувофиқ тасдиқлансин.

6. Олий таълим муассасаларига 2019/2020 ўқув йилидан бошлаб вазирлик, идора ва йирик хўжалик бирлашмаларининг (иш берувчилар) эҳтиёжларидан келиб чиқиб, кундузги бакалаврият таълим йўналишларига мос бўлган йўналишлар доирасида табақалаштирилган тўлов-контракт асосида сиртқи ва кечки таълим шаклида ўқитишни ташкил этиш ҳуқуқи берилсин.

Бунда, ўқишга қабул қилиш тегишли иш берувчиларнинг тавсияси асосида камида беш йил иш стажига эга бўлган ходимлар ҳисобидан кейинчалик ушбу тизимда беш йил ишлаб бериш шарти билан иш фаолиятига мос бўлган бакалаврият таълим йўналишларига суҳбат натижаларига асосан амалга оширилади.

7. 2019/2020 ўқув йилида Ўзбекистон Республикаси таълим муассасаларига ўқишга қабул қилиш бўйича Давлат комиссияси таркиби 9-иловага мувофиқ тасдиқлансин.

Давлат комиссиясига қуйидаги ҳуқуқлар берилсин:

зарурат бўлганда, янги бакалаврият таълим йўналишлари ва магистратура мутахассисликларини киритиш учун давлат буюртмаси параметрларига ўзгартириш ва қўшимчалар киритиш;

иқтисодиёт тармоқлари ва ҳудудларнинг, шу жумладан республиканинг олис ва бориш қийин бўлган туманларининг мутахассисларга бўлган эҳтиёжларини қаноатлантириш учун олий таълим муассасаларининг бакалаврият ва магистратурасига тегишли тармоқлар ва ҳудудлар бўйича мақсадли қабул параметрларини белгилаш;

Ўзбекистон Республикаси Олий ва ўрта махсус таълим вазирлиги ҳамда тизимида олий таълим муассасалари бўлган вазирлик ва идораларнинг таклифлари асосида олий таълим муассасаларининг нуфузи ва ҳудудий жойлашувини ҳисобга олган ҳолда базавий тўлов-контракт қийматидан келиб чиқиб табақалаштирилган тўлов-контракт минимал миқдорининг ягона кўрсаткичларини таълим соҳалари ва республика ҳудудлари бўйича белгилаш;

иш фаолиятига мос бўлган бакалаврият таълим йўналишларига суҳбат натижаларига асосан ўқишга қабул қилинадиган абитуриентларга тавсия бериш ваколатига эга бўлган вазирлик, идора ва йирик хўжалик бирлашмаларининг рўйхатини тасдиқлаш.

8. Ўзбекистон Республикаси Олий ва ўрта махсус таълим вазирлиги тизимида олий таълим муассасалари бўлган вазирлик ва идоралар Ўзбекистон Республикаси Вазирлар Маҳкамаси ҳузуридаги Давлат тест маркази билан биргаликда икки ҳафта муддатда 2019/2020 ўқув йилида олий таълим муассасаларига давлат буюртмаси параметрларини таълим тилларига қараб тақсимлашга оид таклифларни Давлат комиссиясига тасдиқлаш учун киритсинлар.

9. Белгилаб қўйилсинки, 2019/2020 ўқув йилидан бошлаб табақалаштирилган тўлов-контракт миқдори олий таълим муассасасининг салоҳияти ва ҳудудий жойлашуви, шунингдек абитуриентларнинг олий таълимга бўлган эҳтиёжларини ҳисобга олган ҳолда **табақалаштирилган тўлов-контракт қийматининг Давлат комиссияси томонидан белгиланган минимал бараваридан кам бўлмаган миқдорда** олий таълим муассасалари томонидан мустақил белгиланади.

Бунда, табақалаштирилган тўлов-контракт бўйича қабул кириш синовлари натижасига кўра олий таълим муассасаларига давлат буюртмаси параметрлари доирасида ўқишга тавсия этилмаган абитуриентларнинг аризаларига мувофиқ уларнинг **тўплаган баллари қатъий кетма-кетлигига риноя этган ҳолда** амалга оширилади.

10. Ўзбекистон Республикаси Олий ва ўрта махсус таълим вазирлиги бир ой муддатда:

а) иқтисодиёт тармоқларида камида беш йил иш стажига эга бўлган фуқароларни сиртки ва кечки таълим шаклига суҳбат натижаларига кўра табақалаштирилган тўлов-контракт асосида ўқишга қабул қилиш тартибини ҳамда тавсия этиш ҳуқуқига эга бўлган вазирлик, идора ва йирик хўжалик бирлашмаларининг рўйхатини тасдиқлаш учун;

Молия вазирлиги билан биргаликда олий таълим муассасаларида стипендияларни тайинлашнинг амалдаги механизмларини такомиллаштириш юзасидан Вазирлар Маҳкамасига таклиф киритсин;

б) олий таълим муассасалари томонидан (давлат буюртмаси параметрларидан ташқари) кўшимча қабул параметрларини белгилаш тартибини ишлаб чиқсин ва белгиланган тартибда тасдиқласин;

в) Ўзбекистон стандартлаштириш, метрология ва сертификатлаштириш агентлиги билан биргаликда 2019/2020 ўқув йилида янги киритилаётган бакалаврият таълим йўналишлари ҳамда магистратура мутахассисликлари бўйича Олий таълим йўналишлари ва мутахассисликлари классификаторига белгиланган тартибда ўзгартириш ва кўшимчалар киритсин;

г) тизимида олий таълим муассасалари бўлган вазирлик ва идоралар билан биргаликда янги киритилаётган бакалаврият таълим йўналишлари ва магистратура мутахассисликларининг малакавий талаблари, ўқув режалари ҳамда фан дастурларини ишлаб чиқсин ва белгиланган тартибда тасдиқласин.

11. Белгилаб қўйилсинки, 2019/2020 ўқув йилида давлат грантлари асосида бакалаврият ва магистратурага ўқишга қабул қилинган шахсларни ўқитиш билан боғлиқ харажатлар Ўзбекистон Республикаси Давлат бюджети маблағлари ҳисобига амалга оширилади.

12. Ўзбекистон Республикаси Иқтисодиёт ва саноат вазирлиги Олий ва ўрта махсус таълим вазирлиги, Бандлик ва меҳнат муносабатлари вазирлиги ҳамда манфаатдор вазирлик ва идоралар билан биргаликда 2019 йил 1 октябрга қадар илғор хорижий тажрибани ҳисобга олган ҳолда, иқтисодиёт тармоқларида олий маълумотли кадрларга бўлган эҳтиёжни республика ҳудудлари кесимида аниқлаш тартибини ишлаб чиқсин ва тасдиқлаш учун Вазирлар Маҳкамасига киритсин.

13. Ўзбекистон Республикаси Иқтисодиёт ва саноат вазирлиги Ахборот технологиялари ва коммуникацияларини ривожлантириш вазирлиги, Олий ва ўрта махсус таълим вазирлиги, Бандлик ва меҳнат муносабатлари вазирлиги ҳамда Молия вазирлиги билан биргаликда 2020 йил 1 январга қадар халқаро ташкилотларнинг молиявий манбаларини жалб қилган ҳолда вазирлик, идора ва хўжалик бирлашмаларининг олий маълумотли мутахассисларга бўлган давлат эҳтиёжларини автоматлаштирилган тарзда йиғиш ва қайта ишлаш орқали меҳнат бозоридаги талаб ва таклифни аниқлаш ҳамда уларнинг ҳаракатини кузатиб боришни ўз ичига олувчи ягона интеграциялашган ахборот тизими яратилишини таъминласин.

14. Ўзбекистон Республикаси Олий ва ўрта махсус таълим вазирлиги кадрлар буюртмачилари билан биргаликда ҳар йили янги ўқув йили бошлангунига қадар бакалаврият таълим йўналишлари ва магистратура мутахассисликларининг ўқув режалари ва дастурларини меҳнат бозори конъюнктурасининг жадал ўзгариб бораётган шароитларида юқори малакали кадрларнинг иш жойлари талабларига мос келувчи амалий тайёргарлигини таъминлайдиган замонавий фанларни киритиб бориш, ишлаб чиқариш ва реал иқтисодиёт тармоқларида инновацион ҳамда илм-фанга асосланган технологияларни татбиқ қилишни ҳисобга олган ҳолда қайта кўриб чиқиш юзасидан тегишли ишларни амалга оширсин.

15. Ўзбекистон Республикаси Олий ва ўрта махсус таълим вазирлиги Адлия вазирлиги ҳамда бошқа манфаатдор вазирлик ва идоралар билан биргаликда икки ой муддатда қонун ҳужжатларига мазкур қарордан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин.

16. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти маслаҳатчиси А.А. Абдувахитов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри

Шифр	Вазирликлар, идоралар, олий таълим муассасалари ва мутахассисликлар номи	2019/2020 ўқув йили учун қабул параметрлари		
		Жами	шу жумладан	
			грант	контракт
5A151401	Овоз режиссёрлиги (турлари бўйича)	3	1	2
5A151501	Кинооператорлик	2	1	1
5A151502	Телеоператорлик	2	1	1
5A151601	Халқ ижодиёти (турлари бўйича)	11	2	9
5A151701	Маданият ва санъат соҳаси менежменти	3	1	2
5A610401	Маданиятшунослик	2	1	1
48	Миллий рақс ва хореография олий мактаби	8	2	6
5A150203	Санъат назарияси ва тарихи (турлари бўйича)	2	1	1
5A151301	Хореография санъати ва хореография (турлари бўйича)	6	1	5
	Жисмоний тарбия ва спорт вазирлиги	45	9	36
49	Ўзбекистон давлат жисмоний тарбия ва спорт университети	45	9	36
5A610501	Спорт фаолияти (фаолият турлари бўйича)	35	7	28
5A610502	Жисмоний тарбия ва спорт менежменти	10	2	8
	Бадий академия	48	14	34
50	Миллий рассомлик ва дизайн институти	48	14	34
5A150203	Санъат назарияси ва тарихи (турлари бўйича)	3	1	2
5A150204	Музейшунослик, тарихий-маданий объектларни консервация қилиш, таъмирлаш ва сақлаш	3	1	2
5A150801	Рангтасвир (турлари бўйича)	12	1	11
5A150802	Кино ва телефильмнинг тасвирий ечими	2	1	1
5A150803	Мультфильм ва компьютер мультипликацияси	4	1	3
5A150901	Дизайн (турлари бўйича)	3	1	2
5A151001	Дастгоҳ ва китоб графикаси	3	1	2
5A151101	Ҳайкалтарошлик (турлари бўйича)	2	1	1
5A151201	Тасвирий ва амалий безак санъати (турлари бўйича)	3	1	2
5A151202	Санъат асарлари ва меъморий ёдгорликларни таъмирлаш	4	2	2
5A151203	Бадий кулолчилик	3	1	2
	Амалий графика	3	1	2
	Компьютер графикаси ва бадий сурат	3	1	2
	Ахборот технологиялари ва коммуникацияларини ривожлантириш вазирлиги	189	175	14
51	Тошкент ахборот технологиялари университети	189	175	14
	Тошкент ш.:	164	150	14
5A232801	Электрон тижорат	10	2	8
5A330302	Ахборот хавфсизлиги (йўналишлар бўйича)	20	20	
5A330501	Компьютер инжиниринги (“Компьютер тизимларини лойиҳалаш”, “Амалий дастурий воситаларни лойиҳалаш”, “Ахборот ва мультимедиа технологиялари”)	39	39	
5A330601	Дастурий инжиниринг	15	15	
5A350101	Телекоммуникация инжиниринги (“Ахборот узатиш тизимлари”, “Телекоммуникация тармоқлари”, “Телерадиоэшиттириш”)	30	30	
5A350303	Рақамли иқтисодиёт	5	5	
5A350501	Почта хизматини ташкил этиш ва технологияси	5	5	
5A350602	Электрон кутубхона ва архивлар	6	6	
5A350901	Мобиль алоқа тизимлари	10	10	
5A351002	Видеотехнологиялар	10	10	
5A350801	Телевидение, радиоалоқа ва радиоэшиттириш қурилмалари ҳамда тизимлари (турлари бўйича)	8	2	6
	Тиббиётда компьютер тизимлари	3	3	
	Интеллектуал ахборот-коммуникация тизимлари	3	3	
	Самарқанд филиали:	5	5	
5A330501	Компьютер инжиниринги (“Компьютер тизимларини лойиҳалаш”)	3	3	
5A350101	Телекоммуникация инжиниринги: телерадиоэшиттириш	2	2	
	Фарғона филиали:	5	5	
5A330501	Компьютер инжиниринги (“Компьютер тизимларини лойиҳалаш”)	3	3	
5A350101	Телекоммуникация инжиниринги: телерадиоэшиттириш	2	2	